

KALIHOKAN 1

Pagkamaligdong

Basaha ang Mormon 1:2, 15, ug ikonsiderar ang pagmarka sa pulong nga “maligdong.” (Mahimo nimong irekord diha sa imong mga kasulatan nga ang maligdong mahimong magkahulogan og adunay balaang pagtahod, seryoso, ug mahunahunaon.)

Basaha ang mosunod nga pamahayag ni Presidente Boyd K. Packer (1924–2015) sa Korum sa Napulog Duha ka Apostoles:



Nakakita kita og mga sumbanan sa balaan nga pagtahod ug sa pagkawalay balaan nga pagtahod diha sa Simbahan. Samtang daghan ang angayang dayegon pag-ayo, kita nagkaanam sa pagkawalay balaang pagtahod. Kita adunay rason nga mabalaka pag-ayo. . . .

Ang kawalay balaang pagtahod nagdala kanato paduol sa mga katuyoan sa kaaway pinaagi sa pagpugong sa malumo nga mga agianan sa pagpadayag diha sa hunahuna ug espiritu. (Boyd K. Packer, “Reverence Invites Revelation,” *Ensign*, Nob. 1991 22)

- Unsa ang pipila ka mga butang nga kinahanglan nga itratar nga adunay balaan nga pagtahod ug pagkaseryoso nga gitratar sa uban nga walay balaang pagtahod?
- Unsa ang pipila ka mga paagi nga ang Manluluwas nagpakita sa pagkamaligdong (may balaang pagtahod, seryoso, ug mahunahunaon)?

KALIHOKAN 2

Pagkadali sa pagpaniid

Basaha ang Mormon 1:2 ug ikonsiderar ang pagmarka sa hugpong sa mga pulong nga “dali sa pagpaniid.”

Basaha ang mosunod nga pamahayag ni Elder David A. Bednar sa Korum sa Napulog Duha ka mga Apostoles:



Kon kita dali nga makaobserbar, dali kitang makakita o makabantay ug motuman. Kining duha ka sukaranang mga elemento—pagpangita ug pagtuman—mahinungdanon sa pagkahimong dali ra nga makaobserbar. Ug si propeta Mormon usa ka makapadasig nga ehemplo niining gasa nga makita sa buhat. (David A. Bednar, “Dali nga Makaobserbar,” *Liahona*, Dis. 2006, 16)

- Unsa nga mga pagtulun-an ang imong nakaplagan nga makatabang nga mahimong dali nga makamatikod ug mosunod? Ngano man?
- Unsa nga tambag ang imong ihatag ngadto sa usa ka higala kinsa mibati nga ang pagkamasulondon ngadto sa Ginoo makahulat hangtod sa ulahing bahin sa kinabuhi?
- Sa unsang mga paagi gipakita ni Jesukristo ang pagkadali sa pagpaniid?